



Sud Bosne i Hercegovine
Суд Босне и Херцеговине

Broj: S1 3 Iž 043701 22 Iž
Sarajevo, 18.08.2022. godine

Sud Bosne i Hercegovine, u vijeću Apelacionog odijeljenja sastavljenom od sudija Dinke Bešliagić Čovrk kao predsjednika vijeća, Vesne Trifunović i Zvezdane Antonović, kao članova vijeća, odlučujući o žalbi Amila Hadžića sa boravkom u ..., izjavljenoj protiv Odluke Centralne izborne komisije Bosne i Hercegovine broj: 06-1-07-1-608-3/22 od 04.08.2022. godine o odbijanju upisa u izvod iz Centralnog biračkog spiska za glasanje izvan Bosne i Hercegovine za Opšte izbore 2022. godine, u nejavnoj sjednici, održanoj dana 18.08.2022. godine, donio je

RJEŠENJE

Žalba se odbija.

Obrazloženje

Odlukom Centralne izborne komisije Bosne i Hercegovine, broj i datum navedeni u uvodu, odbijen je upis u izvod iz Centralnog biračkog spiska za glasanje izvan Bosne i Hercegovine za Opće izbore 2022. godine po podnesenim prijavama do 19.07.2022. godine, jer nisu ispunjeni uslovi propisani odredbom člana 3.15 stav 1, 2. i 3 Izbornog zakona Bosne i Hercegovine. U odnosu na žalitelja odbijen je upis iz razloga što je započeo unos podataka u Aplikaciji za upis birača izvan BiH na portalu e-Izbori, ali isti nije završen putem navedene aplikacije.

Žalitelj je protiv navedene odluke blagovremeno izjavio žalbu kojom traži da mu se omogući glasanje iz inostranstva.

Centralna izborna komisija Bosne i Hercegovine je dostavila ovom sudu odgovor na žalbu u kojem predlaže da se izjavljena žalba odbije kao neosnovana.

Ispitujući pobijanu odluku u okviru žalbenih navoda, vijeće Apelacionog odjeljenja Suda Bosne i Hercegovine je zaključilo da žalba nije osnovana.

Prema stanju u spisu ovo vijeće konstatuje da je Centralna izborna komisija BiH, prije donošenja ožalbene odluke, a prilikom razmatranja prijave žalitelja za glasanje izvan BiH, pravilno uočila da nije postupljeno u skladu sa Uputstvom o postupku slanja, prijema, obrade, arhiviranja i zaštite elektronskih prijava državljana BiH za glasanje izvan BiH elektronskim putem („Službeni glasnik BiH“ broj:27/22) s obzirom na činjenicu koja se ni žalbom ne osporava, a to je da je započeti unos podataka putem navedene Aplikacije a nije završen, iz kojih razloga Centralna izborna komisija BiH prijavu podnositelja žalbe nije ni mogla obraditi.

Budući da je unos prijave elektronskim putem bio neuspješan, Centralna izborna komisija BiH prijavu nije ni zaprimila. Time nisu ispunjeni uslovi propisani članom 3.15. stav 1 Izbornog zakona BiH da se državljanin BiH koji privremeno živi u inostranstvu i ima biračko pravo, upiše na Centralni birački spisak za glasanje izvan Bosne i Hercegovine.

Napomene radi, žalitelju nije oduzeto biračko pravo za Opće izbore 2022. godine, nego samo mogućnost glasanja putem pošte izvan BiH, jer isti može glasati na redovnom biračkom mjestu u općini u kojoj ima prijavljeno prebivalište u BiH.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita, a žalba neosnovana, pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

Predsjednik vijeća

S u d i j a

Dinka Bešlagić Čovrk

